

Hojii limaana Diigu-Kutaa 4

Description

Jià€™oota muraasan dura dubbiawan iimaana diigan ilaalle jirra. Hojiwwan iimaana diiganiis ilaalu jalqabnee osoo hin xumurin jidduun dhiifne. Amma bakka itti dhaabne irraa jalqabuun adeemsa keenya itti fufna. In sha Allah, barrulee kanniin haala kitaabatin walitti qabuun guyyaa tokko mana kitaabaa keessatti akka argannu ni abdanna.

Abbaan kitaaba â€œAt-Tawdiihu an tawhiidi Al-Khallaqi (382-383â€¢ jedhamu Rabbii oltaâ€™aan ala kan biraatif nazrii (silati) seenun shirkii akka taâ€™eakkana jechuun ibsa: â€œNamni silati seenu Rabbiin ala kan biraatiif silati kana hin seenu, namni inni silati seenuf ni miidha ykn ni fayyada, ni kenna ykn ni dhoowwata, takkaa uumama isaatin takkaa immoo sababa isa keessa jiruun, kheeyri fi barakaa ni fida, sharrii fi rakkoo ni ittisa jedhee amanuu isaatiif yoo taâ€™e malee. Amanti warroota silati seenanii fi shirkii isaanii kana wanti agarsiisu keessaa oduu fi dubbii isaaniiti. Rakkoo guddaa keessatti ni kufu, ergasii ebaluu fi ebaluuf silati seenanâ€¢ san booda rakkoon isaanii isaan irraa saaqama (kaâ€™a), sammuun isaanii ni boqota. Kanaafu, silatiin tuni waan barbaadan argachuu fi waan sodaatan isaan irraa deebisu keessatti sababa akka taate nafsee isaanii keessatti qubatee jira. Namni Qurâ€™aanaa fi Sunnah Nabiyyiin sallalahu aleih wassallam ittiin ergamanitti xinxallee, akkasumas, haala salafu saalih (dhaloota gaggaarii darban) ilaale, silatin tuni wanta mushrikoonni gabbaramtoota isaaniitiif godhaniin akka wal fakkaattu ni beeka. Wantu mushrikoonni gabbaramtoota isaaniitiif godhan Qurâ€™aanni akkanatti nutti hima:

وَجَعَلُوا لِلَّهِ مِمَّا ذَرَأَ مِنْ الْحَرْثِ وَالْأَنْعَمِ نَصِيبًا
 فَقَالُوا هَذَا لِلَّهِ بِرْ عَمِّهِمْ وَهَذَا الشَّرِّ كَيْنًا فَمَا كَانَ
 لِشَرِّ كَيْهُمْ فَلَا يَصِلُّ إِلَى اللَّهِ وَمَا كَانَ اللَّهُ فَهُوَ
 يَصِلُّ إِلَى شَرِّ كَيْهُمْ سَاءَ مَا يَحْكُمُونَ

١٣٦

â€œOyruu fi beellada Inni uumee irraa Rabbiiif qooda godhani, yaaduma isaanitiin, â€œKuni Rabbiiif, kuni immoo shariikota keenyaafiâ€¢ jedhan. Wanti shariikota isaaniitiif taâ€™e, gara Rabbii hin gahu. Wanti Rabbiiif taâ€™e immoo shariikota isaanii ni gaha. Wanti isaan murteessan waa fokkate.â€¢ Suuratu AlAnâ€™aam 6:136

Mushrikoonni midhaan, firaafiree fi beelladota irraa wanta Rabbiin uume qooda Isaaf godhan. Qooda biraa immoo sanamoota gabbaraniif godhan. Wanti isaan sanamootaf adda baasan, sanamoota qofaaf gaha, gara Rabbii hin gahu. Wanti Rabbii oltaâ€™aaf adda baasan immoo sanamoota isaanii ni gaha. Fakkeenyaf, firaafireen isaan sanamoota isaanitiif godhan irraa wanti tokko kan gara Rabbiif godhanitti yoo kokolaate, gara wanta sanamootaaf godhaniitti deebisu. Yoo wanta Rabbiif godhan irraa wanti tokko gara sanamootaaf godhanitti kokolaate, gara wanta Rabbiif godhanitti hin deebisan. Waa fokkate murtii fi qooni namootaa! [1]

Mubaarak Al-Milii haala dhugaa namoota Rabbiin ala kan biraatiif wareeganii ilaachisee ni dubbata. Wantoota gabbaran kanniinitti dhiyaachuf kana akka hojjatan ni ibsaâ€! wanta jedhe keessaa: â€œNamni kamiyyuu ummati makame â€œeniyyaan warra beellada nama qabrii keessatti awwalameef wareeganii isatti dhiyaachuf akka taâ€™eâ€•jala muree beeka. Wantoonni baayâ€™een kana ifa godhu:

1ffaa: isaan wareega kana nama qabrii keessatti awwalametti maxxansu. Ni jedhu, â€œwareega ebaluu kiyyaa! Yookiin fakkeenyaf, nyaata sayyidi kiyyaa Abdul Qadir Jeylaani.â€

2ffaa: Qabrii isaa biratti qalu. Wareega kana qabrii isaa biratti malee bakka biraatti qaluu hin barbaadan.

3ffaa: Akkuma wareega qalaniin itti aanse roobni yoo roobe, rooba kana gara iccitii nama wareegameeffi fi ciminna amanti isaan isaaf qabanitti maxxansu. (Sababa nama kanaatiif roobni nuuf roobe jedhu.)

4ffaa: ossoo wareegu dhiisanii ergasii rakkoon isaan tuqxe, mataa isaanii irra garagaluunakkana jedhu, â€œgama isaatiin waan hanqisneef waliyyiin keenya nutti dallane.â€ (Risaalatu Shirkii wa mazaahirihi fuula 257)

Xumura irratti, mata-duree Rabbii oltaâ€™aan ala kan biraatiif qalma qaluu ykn silati seenu keessatti: itti dhiyaachuuf fi ol guddisuuuf Rabbiin ala wanta biraatiif qalma qalamee fi akka aadaatti nyaachuuf ykn keessummaaf qalma qalamuun walitti makuu akka hin qabnee hubachiisu barbaanna.

Qalmii (wareegni) ibaadaa taâ€™u, wanta qalmi qalamuuf ol-guddisuuuf, isaaf gadi jechuu fi isatti dhiyaachuuf qalma qalamuudha. Kuni Rabbiif malee eenyufillee hin taâ€™u. Kana Rabbiin ala wanta biraatiif gochuun shirkii guddaadhha. Qalmii gosoota qaba: kan shariâ€™aan karaa godhee fi itti ajaje, hayyamamaa taâ€™ee fi haraamaa taâ€™ee.

Qalmii shariâ€™aan karaa godhee fi itti ajaje kan akka yeroo hajji qaluu (uduhiyyah), Rabbiif waadaa galuun qaluu, aqiqaa (yeroo daaâ€™imni dhalatu qaluu), yeroo cidhaa qaluu, keessummaan yommuu namatti dhuftu qaluu, Rabbiif jedhanii sadaqachuuf qaluuâ€!

Hayyamamaan immoo: kan akka nyaataaf qaluu, gurguraaf qaluu

Haraamni (dhoowwamaan) immoo: kan akka sanamaaf qaluu, jinniif qaluu, qabriif qaluu, hujubaaf qaluu, irraa dhuguun dura biirii (boolloo bisaanii) haarawaatiif qaluu, jinni ittisuuf jecha yommuu misirroonni (mushurroonni) mana seenan qaluu. Kuni hundi shirkii guddaadhha. [2]

[1] Tafsiiru Muyassar-145, Tafsiiru Ibn Kasiir 3/617-618

[2] Hiika Islaamaa fi Laa ilaah illallah-fuula 97

Date Created

February 6, 2021

Author

admin